

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKI NAČELNIK



Broj: 02-37-5909/11

Dana: 05.12.2011.godine

Na osnovu člana 23., 24. i 29. Zakona o zaštiti stanovništva od zaraznih bolesti („Službene novine FBiH“, broj:29/2005), Naredbe Ministarstva zdravstva Zeničko-dobojskog kantona broj 11- 37-24774-1/11 od 21.11.2011. godine i člana 39. Statuta općine Zavidovići („Službeni glasnik općine Zavidovići“, broj 5/08 i 5a/08), Općinski načelnik Zavidovići, donosi

N A R E D B U

o provođenju jesenje faze preventivne sistematske deratizacije na području općine Zavidovići za 2011. godinu

I

NAREDJUJE SE sprovođenje preventivne sistematske **DERATIZACIJE**, na području općine Zavidovići u periodu od 10.12. do 23.12.2011.godine – jesenja faza.

II

Deratizaciju će prema ovjerenom rasporedu organizovati i sprovesti Kantonalni zavod za javno zdravstvo Zenica.

III

Provođenju preventivne deratizacije podliježu:

- a) Javne i zelene površine u pojasu naselja sa koncentrisanim stanovništvom (gradska naselja), obale površinskih vodotoka u gradskim i prigradskim zonama, centralne deponije smeća, kao i nezvanična smetlišta u gradskim naseljima, vaspitno obrazovni i kulturni objekti i njihovi prostori, objekti javnih zdravstvenih ustanova, javne ustanove administrativnog karaktera, individualne stambene zgrade u privatnom vlasništvu u užim gradskim zonama, vjerski objekti i groblja u gradskim naseljima,
- b) Kanalizacione mreže sa šahtovima i izlivnim kolektorima, objekti i površine javnih preduzeća i organizacija i svih fizičkih, pravnih i ostalih lica uključujući sve uslužne djelatnosti, stacionarni objekti i sredstva javnog saobraćaja, objekti za proizvodnju i promet živežnih namirnica i predmeta opće upotrebe(korisnici i vlasnici istih),objekti za pružanje usluga javne higijene i zajednički prostori stambenih zgrada (podrumi i tavani).

Troškove sprovođenja deratizacije navedene u stavu III/b snose subjekti koji njima upravljaju.

- 919 -

IV

Subjekti koji podliježu provođenju preventivne sistematske deratizacije dužni su obezbijediti nesmetan rad ekipama izvodjača bez obzira na parcijalne radove i ugovore koje posjeduju, a koji se stavljaju van snage za vrijeme trajanja akcije. U protivnom će biti sankcionisani prema važećim propisima.

V

Nadzor i kontrolu provođenja akcije deratizacije vršiti će općinski komunalno-sanitarni inspektor Omeragić Alma.

VI

Ova naredba stupa na snagu sa danom donošenja, a objavit će se u „Službenom glasniku općine Zavidovići“.

OPĆINSKI NAČELNIK

(M.P.)

Hakija Osmić, dipl.ecc., s.r.